

Broj: 05-2991-7-1/25
Sarajevo, 17.06.2025. godine

Na osnovu člana 23. Zakona o Agenciji za bankarstvo Federacije BiH („Službene novine Federacije BiH“, broj: 75/17), člana 16. stav (1) tačka g) Statuta Agencije za bankarstvo Federacije BiH („Službene novine Federacije BiH“, broj: 3/18), člana 64. stav (1) tačka b), člana 70. stavovi (1), (3) i (6) Zakona o javnim nabavkama („Službeni glasnik BiH“, broj: 39/14, 59/22 i 50/24) i člana 8. stav (2) tačka d) Pravilnika o uspostavljanju i radu Komisije za nabavke („Službeni glasnik BiH“, broj: 103/14 i 49/23), a na osnovu preporuke Komisije za nabavke iz Zapisnika o pregledu i ocjeni ponuda broj: 05-2996-6-1/25 od 16.06.2025. godine, direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku nabavke usluga

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda, broj: 05-2996-6-1/25 od 16.06.2025. godine i ugovor za nabavku usluga čišćenja poslovnih prostorija na lokaciji Sarajevo za potrebe Agencije za bankarstvo Federacije BiH (u daljem tekstu: Ugovorni organ) dodjeljuje se najpovoljnijem ponuđaču „Atalian Global Services BH“ d.o.o. Sarajevo.

Član 2.

Ukupna vrijednost ugovora iz člana 1. ove Odluke utvrđuje se u iznosu od 95.338,00 KM bez uračunatog poreza na dodanu vrijednost (PDV), što sa uračunatim PDV-om iznosi 111.545,46 KM.

Član 3.

Nakon sticanja uslova Ugovorni organ će sa izabranim ponuđačem zaključiti ugovor o nabavci usluga, kojim će regulisati međusobna prava i obaveze.

Član 4.

Odluka će biti objavljena na internetskoj stranici Ugovornog organa: www.fba.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa odredbama člana 70. stav (6) i člana 71. stav (2) Zakona o javnim nabavkama.

Član 5.

Za izvršenje ove Odluke zadužuje se i ovlašćuje Sektor zajedničkih funkcija.

Član 6.

Ova Odluka stupa na snagu danom donošenja.

OBRAZLOŽENJE

Odlukom o pokretanju postupka nabavke usluga, broj: 05-2991/25 od 21.05.2025. godine, odobreno je provođenje postupka javne nabavke usluga čišćenja poslovnih prostorije za potrebe Ugovornog organa. Javna nabavka provedena je putem otvorenog postupka, a kao kriterij za izbor najpovoljnije ponude odabrana je najniža cijena. U skladu sa članom 35. Zakona o javnim nabavkama, Obavještenje o nabavci broj: 3010-1-2-136-3-51/25 objavljeno je na Portalu javnih nabavki (www.ejn.gov.ba) dana 23.05.2025. godine, a sažetak Obavještenja o nabavci u „Službenom glasniku BiH“, broj: 32/25 dana 30.05.2025. godine. Procijenjena vrijednost predmetne javne nabavke utvrđena je u iznosu od 114.000,00 KM bez uračunatog poreza na dodanu vrijednost (PDV), te je ista podijeljena u dva Lot-a i to:

1. Lot 1: Usluge čišćenja poslovnih prostorija u Sarajevu, procijenjena vrijednost 100.000,00 KM bez uračunatog PDV-a,
2. Lot 2: Usluge čišćenja poslovnih prostorija u Mostaru, procijenjena vrijednost 14.000,00 KM bez uračunatog PDV-a.

U skladu s Rješenjem Ugovornog organa, br. 05-2992-2/25 od 09.06.2025. godine, imenovana je Komisija za javne nabavke, kojim su definisane njene nadležnosti, a koje, između ostalog, uključuju poslove javnog otvaranja ponuda, pregled i ocjena dostavljenih ponuda, sačinjavanje zapisnika o pregledu i ocjeni ponuda, te davanje preporuke Ugovornom organu za donošenje odluke o izboru ponuđača.

Slijedom navedenog, Komisija je u okviru svojih nadležnosti i ovlaštenja provela predmetni postupak javne nabavke, te o tome sačinila Zapisnik o pregledu i ocjeni ponuda br: 05-2996-6-1/25 od 16.06.2025. godine, u kojem je konstatovano da su u predmetnom postupku javne nabavke pravovremeno pristigle ukupno 2 (dvije) ponude.

Na osnovu izvršene analize i ocjene ponude u pogledu kvalifikacijskih i cjenovnih uslova postupka javne nabavke, Komisija je utvrdila sljedeće:

- Ponude ponuđača „Eurosani“ d.o.o. Mostar i „Atalian Global Services BH“ d.o.o. Sarajevo su prihvatljive, obzirom da iste ispunjavaju sve uslove koji su propisani Tenderskom dokumentacijom te su dostavljeni svi dokazi zahtijevani Tenderskom dokumentacijom na propisan način.

U sljedećoj tabeli daje se rezultat rangiranja ponuda prema kriteriju za dodjelu ugovora, kako slijedi:

Redni broj	Ponuđač	Ukupna cijena, bez PDV-a
1.	„Atalian Global Services BH“ d.o.o.	95.338,00 KM
2.	„Eurosani“ d.o.o. Mostar	99.993,00 KM

Uvidom u priloženu dokumentaciju vidljivo je da je ponuda ponuđača „Atalian Global Services BH“ d.o.o. ocijenjena kao prihvatljivija i najpovoljnija, te je Komisija dala preporuku da se istom, saglasno članu 69. stav (1) tačka b) Zakona o javnim nabavkama dodijeli ugovor u predmetnom postupku javne nabavke.

U postupku donošenja ove Odluke posebno su cijenjene činjenice da je Komisija za nabavke pravilno i potpuno izvršila ocjenu kvalificiranosti ponuđača, te pregled i ocjenu ponude, u skladu sa kriterijima iz Tenderske dokumentacije.

Uvažavajući naprijed navedeno, primjenom člana 25., člana 64. stav (1) tačka b), člana 70. stavovi (1), (3) i (6) Zakona o javnim nabavkama, te člana 8. stav (2) tačka d) Pravilnika o uspostavljanju i radu Komisije za nabavke, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se izjaviti žalba ugovornom organu – Agenciji za bankarstvo Federacije BiH, najkasnije u roku od 10 (deset) dana od dana prijema ove Odluke, saglasno članovima 97., 99. i 101. Zakona o javnim nabavkama.

Žalba se izjavljuje Uredu za razmatranje žalbi/Kancelariji za razmatranje žalbi – Filijala/Podružnica Mostar, putem Ugovornog organa, u pisanoj formi, direktno ili preporučenom poštanskom pošiljkom. Žalba se podnosi u najmanje 3 (tri) primjerka.

Podnosilac žalbe je obavezan platiti naknadu za pokretanje žalbenog postupka u skladu sa članom 108. Zakona.

 **DIREKTOR**


Jasmin Mahmužić

Dostaviti:

1. Ponuđačima u postupku;
2. a.a.